

四庫全書

集部

花暖江城斜日陰鶯啼繡戶曉雲深春風不道珠簾隔
傳得歌聲與客心

劉商

彭城人後居長安大歷中為檢校禮部郎中

合溪送王永歸東郭

君去春山誰共遊鳥啼花落水空流
如今送別臨溪水他日相思來水頭

醉後口號

春草秋風老此身一瓢長醉任家貧
醒來還愛浮萍草

漂寄官河不屬人

元使君自楚移越

露冕行春向若耶野人懷惠欲移家東風二月淮陰道

惟見棠梨一樹花

露冕後漢郭賀為荊州刺史帝賜三公之服使去襜帷露冕令百姓見之

以彰其德同上鄭宏為臨淮太守春行有白鹿夾轂而行若耶溪在會稽見前注淮陰即臨淮府今為淮安府棠梨陸機草木疏曰棠梨梨也昔召公所訟於甘棠樹下民思其德不伐其樹此乃以召比元也

羊士諤

泰山人貞元元年鄭全濟榜進士憲宗以其與呂溫善貶資州刺史

郡中即事

紅衣落盡暗香殘葉上秋光白露寒越女含情已無限

莫教長袖倚蘭干

紅衣謂蓮花也長袖言美人舞袖也

雍裕之

五雜俎

倣古三言樂府

五雜俎刺繡窠往復還織錦梭不得已成交河

自君之出矣

倣後漢徐幹樂府

自君之出矣寶鏡為誰明思君如隴水長聞鳴咽聲

江邊柳

嫋嫋古堤邊青青一樹烟若為絲不斷留取繫郎船

宮人斜

西京雜記咸陽舊牆內曰內人斜即宮人斜蓋古葬宮人之處也

幾多紅粉委黃泥野鳥如歌又似啼應有春魂化為燕

年年飛入未央樓

未央宮名高祖七年蕭何造

長孫佐輔

朔方人

尋山家

獨訪山家歇還涉茅屋斜連隔松葉主人聞語未開門

繞籬野菜飛黃蝶

令狐殷士

令狐姓殷士字名楚墩煌人元和中知制誥其為文於憲奏制令尤善每一篇

成人皆傳誦後為中書侍郎

從軍行

孤心眠夜雪滿眼是秋沙萬里猶防塞三年不見家

防塞

防秋也謂守塞上防邊人邊人每以秋至故曰防秋

却望冰河閣前登雪嶺高征人幾多在又擬戰臨洮

臨洮

戰國西羗地秦為臨洮縣屬隴西郡惠帝分置狄道郡魏置狄道郡又禹貢西傾之地

邊風千里驚漢月五更明縱有還家夢猶聞出塞聲

宮中樂

月上宮花靜烟含苑樹深銀臺門已閉仙漏夜沉沉

銀臺

門太白詩承恩初入銀臺門注
銀臺門與左右掖及昇龍門

九重青瑣闥百尺碧雲樓明月秋風起珠簾上玉鈎

首句

見前注珠簾漢武故事以
珠為簾箔玳瑁壓之也

思君恩

小苑鶯歌歇長門蝶舞多眼看春又去翠輦不曾過

紫禁香如霧青天月似霜雲韶何處奏祇是在昭陽

雲韶

韶樂也書蕭韶九成昭陽
趙飛燕所居之殿見前注

長相思

樂錄曰樂府怨思二十
五曲其一曰長相思云

幾度春眠覺
紗窓曉望迷
朦朧殘夢裏
獨自在遼西

遊春詞

閨闔春風起
蓬萊雪水消
相將折楊柳
爭取最長條

閨闔

門蓬萊殿折楊柳俱見前注

少年行

少小邊州慣
放狂驍騎
蕃馬射黃羊
如今老無筋力

獨倚營門數鴈行

黃羊後陰方
以黃羊祀竈

楊中師

名衡吳
興人

盧十五竹亭送姪偁歸山

落葉寒擁壁清霜夜露石正是憶山時復送歸山客殷
勤一樽酒曉月當窓白

白紵詞

玉纓翠佩離輕羅香汗微漬朱顏酡為君起唱白紵歌
清聲裊雲思繁多凝笳哀瑟時相和金壺半傾芳夜促

梁塵霏霏暗紅燭令君安坐聽終曲墜葉飄花難再復

玉纓左纓弁玉纓
白紵歌見前注

躡珠履步瓊筵起身輕舞紅燭前芳恣艷態妖且妍回
眸轉袖暗催絃涼風蕭蕭漏水急月華泛艷紅蓮濕牽

裙攬帶翻成泣

躡珠履史記趙平原君使人於春申君
欲參楚勾劍室飾以珠玉春申君客三

千餘人上客皆躡珠履以見之趙使
大慙坐瓊筵太白詩聞瓊筵以坐花

張仲素

字繪之

春游曲

烟柳飛輕絮風榆落小錢濛濛百花裏羅綺競秋千
騁望登香閣爭高下砌臺林間踏青去席上意錢來
行樂三春節林林百和香當年重意氣先占鬪鷄塲

宮中樂

江果瑤池實金盤露井氷甘泉將避暑臺殿曉光凝

春江曲

搖漾越江春相將采白蘋歸時不覺夜出浦月隨人

春怨曲

裊裊邊城柳青青陌上桑提籠忘采葉昨夜夢漁陽

塞下曲

士贇曰樂府遺聲
五曲中有塞下曲

三伐漁陽再渡遼
騁弓在臂劍橫腰
匈奴似欲知名姓
休傍陰山更射鵰

陰磧茫茫塞草腓
枯槁烽上暮烟飛
交河北望天連海
蘇武曾將漢節歸

天馬辭

天馬初從渥水來
歌曾唱得濯龍媒
不知玉塞沙中路

首宿花殘幾處開

前武帝紀元狩三年得神馬於渥注水中注渥注在燉煌郡是歲上方造

樂府造為詩賦絃次以合八音之調及得神馬次以為歌龍媒前禮樂志龍媒駿馬也渥龍媒亦必天馬歌之

一也又渥龍媒集覽渥龍門上注渥龍殿名首宿見前注此詩意謂窮兵黷武以開外國而求天馬至今玉塞

之路尚莊而首宿常開更無人取馬矣謂之殘花者以為張騫昔求其種歸種為中國今其開者皆其餘者也

蹀躞宛駒齒未齊
縱金噴玉向風嘶
來時行盡金河道

獵獵輕風在碧蹄

蹀躞說文行兒宛駒大北國出善馬此言宛國馬駒也馬二歲曰駒齒未

齊長未齊也縱金未詳噴玉周穆王傳穆天子東游黃澤謠曰黃之駝其馬歟沙黃之澤其馬歟玉金河漢雲

中郡隋改
金河郡

漢苑行

春風淡淡影悠悠
鶯囀高枝燕入樓
千步廊回聞鳳吹

珠簾處處上銀鈎

迴廊阿房宮賦五步一樓十步一閣廊腰綬迴檐牙高啄注廊廡也又顏

師古曰堂下門廡也

秋閨思

碧窓斜月藹深輝
愁聽寒蛩淚濕衣
夢裏分明見關塞

不知何路向金微

寒蛩爾雅蟬屬金微通典羈州有金微屬招武軍武軍漢雲中郡也隋

改關唐仍雲中郡今為大同府

欽定四庫全書

唐書
卷十

唐音卷十

欽定四庫全書

唐音卷十一

元 楊士弘 撰

張 震 註

唐詩遺響四

郎士元

塞下曲

寶刀塞下兒輕身百戰曾百勝壯心竟未嫖姚知白草
山頭日初沒黃沙戍下悲歌發蕭條盡夜邊風吹獨倚

營門望秋月

嫖姚見前注

戴幼公

去婦怨

出戶不敢啼風悲日悽悽
心知恩義絕誰忍分明別下

坂車麟麟畏逢鄉里親
空持床前幃却寄家中人
忽辭

王吉去為是秋胡死
若此今日情煩冤
不相似

王吉字子陽漢

宣帝時為博士諫議大夫妻取東家棗啖食吉乃去婦秋胡魯秋胡子納妻五日而官於陳後歸未至家見路

傍有美婦人采桑秋胡悅之下車顧托桑陰下婦人采桑不顧胡曰力田不如逢年力桑不如見郎今吾有金

願與夫人婦人不受胡乃歸母呼其婦乃向采桑者乃數胡之罪而自投於河詩意其亦去國懷君之辭也

女耕田行

乳燕入巢笋成竹誰家二女種新穀無人無牛不及犂
持刀斫地翻作泥自言家貧母年老長兄從軍未娶嫂
去年災疫牛困空截絹買刀都市中頭巾掩面畏人識
以刀代牛誰與同姊妹相攜心正苦不見路人唯見土
䟽通畦隴妨亂田整頓溝塍待時雨日正南崗下餉歸
可憐朝雉擾驚飛東隣西舍花發盡共惜餘芳淚滿衣

朝飛雉吳兢樂府解題云齊宣王時牧犢子七十無妻
出薪于野見雉雄雌相隨意動心怨乃援琴而歌曰雉
朝飛兮鳴相和後因
以雉朝飛為琴操云

柳花歌送客往桂陽

桂陽隋為郴
州唐改桂陽

滄浪渡頭柳花發斷續因風飛不絕
搖烟拂水積翠間
綴雪含霜誰忍攀夾岸紛紛送君去
鳴棹孤尋到何處
移家深入桂水源種柳新成色更繁
定知別後消散盡

却憶今朝傷旅魂

滄浪渡常州府龍陽縣二水相合謂
之滄浪水即漁父濯纓處按桂陽地

與桂林相接水亦自
桂林而發也故云

戎昱

苦哉行

妾家清河邊七葉承貂蟬身為最小女偏得渾家憐親
戚不相識幽閨十五年有時最遠出祇到中門前前年
邊騎來懼死翻生全今秋官軍至豈意遭戈鋌匈奴為
先鋒長鼻黃髮拳彎弓獵生人百步牛羊羶脫身落虎

口不及歸黃泉苦哉難重陳暗哭蒼蒼天

清河縣名今屬淮安府七

葉貂蟬左大冲詩金藉舊業七葉珥貂蟬前張安世傳
宣帝立以定策功拜大司馬自宣元以來金張之家七

葉皆侍中百官志侍中皆有貂蟬故云貂鼠屬北方寒以貂皮煖額因為侍中冠歸亦取其內勁悍外溫潤蟬崔貂古今注齊后怨王而死亦為蟬以其飾冠取其清高飲露云

采蓮曲

雖聽采蓮曲誰識采蓮心
漾楫愛花遠回船愁浪深
烟生極浦色日落半江陰
同似憐波靜看粧墮玉簪

涪陽女兒花滿頭
毵毵同泛木蘭舟
秋風日暮南湖裏

爭唱菱歌不肯休

涪陽澧州見前注木蘭舟見前注菱歌有采菱曲

塞上曲

慘慘寒日沒北風卷蓬根將軍領疲兵却入古塞門迴

首指陰山殺氣成黃雲

蓬根說文蒿也又陸佃云草之
不理者葉散生遇風輒拔根旋

轉不定陰
山見前注

樓上畫角哀即知兵心苦試問左右人無言淚如雨何
意休明時終言事鼙鼓

長安秋夜

八月更漏長愁人起常早閉門寂無事滿院生秋草昨
宵西窓夢夢入荆南道遠客歸去來在家貧亦好

客堂秋夕

隔窓螢影滅復流北風微雨虛堂秋蟲聲竟夜引鄉淚
蟋蟀何知人自愁四時不得一日樂以此方悲客游惡
寂寂江城無所聞梧桐葉上偏蕭索

顧逋翁

日晚歌

朱子楚辭序曰日晚歌者唐著作卽顧況之所作也況詩有集然皆不及其見

於韋應物詩集者之勝歸來錄其楚語三章以為可與王維相上下予讀之信然然其朝上清者有曰和為舟兮露為馬因乘之觴於瑤池之上兮三光羅列而在下則意非雜所

能及然他語殊不近故不得取而獨采
此篇以為氣雖短淺而意若差健云

日窅窅兮下山望佳人兮不還
花落兮屋上草生兮階
間日日兮春風芳菲兮欲歇
老不可兮更少君胡為兮
輕別

短歌行

城邊路今人犁田昔人墓
岸上沙昔時江水今人家
今人昔人共長歎四序相催
節回換明月皎皎入華池
白雲離離度清漢

文苑中
無此詩

古意

新繫青絲百尺繩
心在君家轆轤上
我心皎潔君不知

轆轤一轉一惆悵

青絲繩汲井索也轆轤井上汲水轉木也詳見前注

陳羽

公子行

金羈白馬郎何處
踏青來馬驕郎半醉
蹀躞望樓臺似見樓上人
玲瓏窓戶開
隔花聞一笑
落日不知回

楊巨源

大堤詞

太白詩注云大堤曲隨王証為襄陽時作又樂府遺聲都邑三十四曲有大堤

曲按郡記襄陽城乃大堤城也

二八嬋娟大堤女開壚相對依江渚侍客登樓向水看

邀卽卷幙臨花語細雨濛濛濕芰荷巴東商旅駐帆多

自傳芳酒翻紅袖誰調妍粧回翠娥珍簾華鋌夕陽後

當壚理瑟矜纖手月落星微五鼓聲春風搖蕩窓前柳

歲歲逢迎沙岸間背人多整綠雲鬟無端嫁與五陵少

離別烟波傷玉顏

大堤女震之大堤曲曰南國多佳人莫若大堤女又古辭云朝發襄陽城

暮至大堤宿大堤女兒花艷驚郎
目餘事俱見前注巴東今歸州也

王廣津

宮詞

白雪猧兒拂地行慣眠紅毯不曾驚深宮更有何人到

只向金堦吠曉螢

白雪猧兒說文犬名紅毯晉張軌傳
紅布三萬匹毛席織五絲又白樂天

有錦毯歌又唐人別離詩云只因
一着親情却不得紅絲毯一眠

劉夢得

淮陰行二首

船頭大銅鑼摩挲光陣陣早晚使風來沙頭一眼認
何物令儂羨羨郎船尾鷺銜泥趁檣竿宿食長相見

武昌老人說笛歌

武昌老人七十餘手把瘦令相問書自言少小學吹笛
早事曹王曾賞激往來征鎮戍蘄州楚山蕭蕭笛竹秋
當時買材恣搜索典却身上烏貂裘古苔蒼蒼封老節
石上孤生飽風雪商聲五音隨指發水中龍應雲行絕
曾將黃鶴樓上吹一聲占盡秋江月如今老去語猶遲

音韻高低耳不知氣力已無心尚在時時一曲夢中吹

武昌老人瘦令未詳曹王名臯唐史德宗興元十四年
除衡州刺史建中四年敗李希烈兵拔黃蘄州漢蘄春
縣也蘄皆楚地故云楚山蘄州多美竹烏鵲裘見前注
商聲五音水中龍應聲玉笛賦曰近出雙筍從羗起羗
人移竹未及而龍鳴水中不見色云云故本四孔後以
一君明所加孔後出是謂商聲五音畢行雲絕列子薛
譚學謳於秦清未窮技而辭歸清餞於郊無節悲歌聲
過行雲黃鸝樓在武昌城頭黃鸝樓上吹未詳或云仙
人呂洞賓常於樓上吹鐵笛樓側至今
有鐵笛亭鐵笛管具大如椽人莫敢吹

平蔡州

唐憲宗元和間年吳元濟反于蔡州
十二年李愬入蔡州擒元濟蔡州平

汝南晨鷄喔喔鳴城頭鼓角音和平路傍老人憶舊事

相與感激皆淚零老人收淚前致詞官軍入城人不知

忽驚元和十二載重見天寶承平時

汝南今汝南府即古蔡州也官軍入

城人不知元和十二年冬十月夜大風雪夜半雪愈甚行七十里至蔡州城四鼓愬至無一人知者鷄鳴雪止愬入居元濟外宅執元濟送京師斬之及迎裴度入城先是吳元濟父少陽父子阻兵禁人偶語燹燭有以酒食相過從者罪死度除其禁蔡人始知有王民之樂故曰元和十二載重見天寶承平時也

堤上行三首

酒旗相望大堤頭堤下連檣堤上樓日暮行人爭渡急

槳聲幽軋滿中流

江南江北望烟波，入夜行人相應歌。
桃葉傳情竹枝怨，

水流無限月明多。

桃葉古今樂錄王獻之二妾名桃葉
桃根獻之作桃葉歌竹枝怨竹枝詞

見本注

長堤繚繞水裴徊，酒舍旗亭次第開。
日晚上簾招賈客，

軻我大扁落帆來。

洛中逢韓七中丞之吳興口號

吳興今湖州也

昔年意氣結羣英，幾度朝回一字行。
海北天南零落盡，

兩人相見洛陽城。

和令狐相公別牡丹

令狐相公名楚

平章宅裏一欄花，臨到開時不在家。莫道兩京非遠別，

春明門外即天涯。

平章即令狐楚也。元和十四年，皇甫鎛與楚同年進士，至是鎛引以為相。

同平章事春明門長安門也。

瀟湘曲

斑竹枝，斑竹枝，淚痕點點寄相思。楚客欲聽瑤瑟怨，瀟

湘深夜月明時。

俱見前注

唐音卷十一

欽定四庫全書

唐音卷十二

元 楊士弘 撰

張 震 註

唐詩遺響五

李長吉

長吉名賀系出鄭王後七歲能辭章仕至協律郎辭尚奇詭所得皆驚邁絕去翰墨

哇選當時無能效者樂府數十篇雲韶諸工合之絃管又玉川之怪長吉之詭天地之間自欠

此體不得又大厯以後吾所深取者李長吉柳子厚劉言史權德輿李益杜牧之使賀未

死少加以理奴僕命騷可也又鷄跖集李賀文體如崇巖峭壁萬物崛起人多效之又陸魯望

云吾聞淫政漁者謂之暴殄天物天物既不可
暴又可決摘剝削露其情狀乎使自萌卯至於
槁死不得隱伏天能不致罰耶長吉天東野窮
玉川之官不掛朝籍而死正坐是哉又李賀能
探前事今古未曾經道者又杜牧之序云元和
中韓吏部亦頗取其歌詩云云蓋騷之苗裔理
不及詞實過之朱子云李賀較恠得
於子不如太白自在又曰賀詩巧

感諷

合浦無明珠龍洲無木奴足知造化力不給使君須越
婦未織作吳蠶始蠕蠕縣官騎馬來獐色虬紫鬚懷中
一方板板上數行書不因使君怒焉得詣爾廬越婦拜

縣官桑牙今尚小會侍春日晏絲車方擲掉越婦通言

語小姑具黃梁縣官跼食去簿吏復登堂

合浦縣名屬廉州郡志縣

海曲有珠池出美珠木奴橘也李衡種樹千頭於龍陽洲謂其子曰吾有千頭木奴歲可收絹千匹明珠出於台浦木奴生於龍洲今謂無者益反其詞以致刺諷之意也白帖李衡種千樹橘號千頭木奴吳蠶吳都賦鄉貢八蠶之絲注吳地多蠶故云蠕蠕動貌荀蠕蠕之蟲注虬鬚魏罔瑛對客虬鬚直指方板即方冊之謂也益以木作方板以記事爾絲車縑絲之車也黃梁梁米具膳也梁米名似粟而大赤黃青白皆有之簿吏掌簿書也吏

申胡子威栗歌

威栗北人所吹葭管也

顏熱感君酒含嚼蘆中聲花娘纂綏妥休睡夫容屏誰
截太平管列點排空星直貫開花風天上驅雲行今夕

歲華落令人惜平生心事如波濤中坐時時驚朔客騎

白馬劒弢懸蘭纓俊健如生孫肯拾蓬中螢

蘆中聲即吹葭也夫

容屏見前注生
孫獼猴老者

蜀國絃

楓香晚花靜錦水南山影驚石墜猿哀竹雲愁半嶺涼
月生秋浦玉沙粼粼光誰家紅淚客不忍過瞿塘

楓香
今云

楓香脂乃楓樹汁結成者本草云白膠香即是也錦水瞿塘俱見前注

仙人

彈琴石壁上翻翻一仙人手持白鸞尾夜掃南山雲鹿

飲寒澗下魚歸清海濱當時漢武帝書報桃花春

白鸞尾天

寶遺事明皇遊於月宮見素娥十餘人乘白鸞舞於桂樹下武帝書報桃花春未詳

馬詩

寶玦誰家子長聞俠骨香堆金買駿骨將送楚襄王

寶玦

說文玉珮也白虎通月子能斷珮玦金買駿骨燕閔

云楚襄王未詳又楚莊王有愛馬衣以文闕置華

屋下席以露床啖以棗脯
馬死欲以大夫禮葬之

香襖赭羅新盤龍感銍鱗迴看南陌上誰道不逢春

赭羅

闕羅也龍盤感銍謂龍盤馬銍也

汗血到王家隨鸞感玉珂少君騎每上人見是青驪

杜詩

關留作駒已汗血注漢大宛國多善馬汗血言其先天馬子也李少君云隨鸞即鑾也蓋云隨鑾和而行且搖感玉珂也

塘上行

選詩補注云乃相如歌詞之瑟調也按鄴都故事魏文帝甄皇后為郭后所譖

賜死臨終詩蒲生我池中即此曲也

藕花涼露濕花缺藕根澁飛下雌鴛鴦塘水聲溘溘

秦宮詩

自序
云

漢秦宮將軍梁冀之嬖奴也秦宮得寵內舍
故以驕名大譟於人予撫舊作長詞辭以馮
子都之事相對望又云昔有之詩

越羅衫袂被春風玉羽麒麟腰帶紅樓頭曲宴仙人語
帳裏吹笙香霧濃人間酒暖春茫茫花枝入簾白日長
飛窓復道傳籌飲午夜朦朧膩燭黃禿衿小袖調鸚鵡

紫繡麻霞踏哮虎斫桂燒金待曉筵白鹿青蘇夜半煮
桐英永巷騎新馬內屋深屏生色畫開門爛用水衡錢
卷起黃河內身寫皇天厄運猶繒製秦宮一生花底活
鸞范窠得不還人醉睡氍毹滿堂月

批云秦宮似秦宮
又云闕可見

作者妙闕 谷闕 虎奴態人所不能盡喻也梁冀本傳
字伯闕 梁商之子體質帝專權自恣天子恭已百僚側

自帝目之闕 扈將軍後闕 立闕 與中郎侍單起等
誅之馮子都霍光家闕 以喻秦宮也又集闕 目梁

冀愛監奴秦闕 壽所刺史二千石皆謁辭之麒麟
身馬足牛尾一角角端肉高丈二五蹄北曰麒麟壯曰

麒麟王刻以闕 刻其莽為腰帶也鸚鵡見前注水衡食涼
武帝置水衡都尉掌上闕 范一曰主平稅紫綉麻霞燒

金未詳斫桂見前注白鹿明皇闕
曰漢闕也青蘇詩山有扶闕

一白鹿王闕人識之
林闕未詳永巷見

前注生色畫謂以五色闕
生動活鸞范未詳鹿能見前注

金銅仙人辭漢歌

魏明帝青龍元年八月詔宮官牽車西取漢
孝武捧露盤仙人欲立置前殿宮官既拆盤
仙人臨載潛然淚下唐諸王孫李長吉遂作
金銅仙人辭漢歌

茂陵劉郎秋風客夜聞馬嘶曉無跡畫欄桂樹懸秋香

三十六宮土花碧魏官牽車指千里東關酸風射眸子
空將漢月出宮門憶君清淚如鉛水衰蘭送客咸陽道
天若有情天亦老攜盤獨出月荒涼渭城已遠波聲小

茂陵劉郎漢武帝也茂陵武帝葬處故云方八月取盤
故云桂香益八月桂花方發也土花碧言宮中無人青
苔方長也魏官牽車言魏主遣官取盤也綱目魏王青
龍四年徙長安鍾虡橐駝銅人承露盤於洛陽盤折聲
聞數十里銅人重不可致大發銅鑄
銅人二於司馬門外咸陽渭城見前注

浩歌

南風吹山作平地帝遣天吳移海水王母桃花千徧紅

彭祖巫咸幾回死青毛驄馬參差錢嬌春楊柳含細烟
第人勸我金屈卮神血未凝身問誰不須浪飲丁都護
世上英雄本無主買絲綉作平原君有酒惟澆趙州土

漏催水咽玉蟾蜍衛娘髮薄不勝梳看見秋眉換新綠

二十男兒那刺促

天吳杜詩天吳及紫鳳顛倒在短褐注水神山海經云天吳水獸二首八

足尾背青黃彭祖列仙傳祖名鏗帝項玄孫至殷之末世年七百餘歲而不衰少好恬靜惟以養神治事為事巫咸莊子鄭有神巫曰季咸知人之死生人見之皆棄而走列子見之而問王母桃花漢武外傳王母謂武帝曰此桃三千年一開花三千年一結實金屈卮夢華錄御宴酒盃皆金屈卮如蔡碗而有手把子神血未詳

丁都護古今樂錄丁都護歌者彭城內史徐達為魯軌所殺高祖使都護丁晬收殮之達妻高祖長女也呼晬至閣下自問欲送之事母問晬嘆息曰丁都護其聲哀切後人因其聲廣其曲焉平原君見前注趙州古趙國所都之地今屬真定府衛娘未詳刺促見前刺足行注

李憑箏篴

箏篴見前注

吳絲蜀桐張高秋空山凝雲顏不流江娥啼竹素女愁
李憑中國彈箏篴崑山玉碎鳳凰叫夫容泣露香蘭笑
十二門前融冷光二十三絲動紫皇女蝸鍊石補天處
石破天驚逗秋雨夢入神山教神嫗老龍跳波瘦蛟舞

吳質不眠倚桂樹露脚斜飛濕塞兔

吳絲蜀桐言瑩篋乃蜀桐所置絃則

用吳蠶之絲為之也江娥啼竹湘妃事素女彈瑟事凝雲不梳秦青歌遏行雲事俱見前注崑山玉崑岡三注云在荆山其地產玉山之脊曰岡晉郤詵所謂昆山片玉益本者此又楚人卞和善別玉於荆山昆岡得一玉璞將進楚文王工者以為石而荆和足及武王時又獻之又為所荆和遂抱玉泣於荆山之下泣盡繼之以血至成王和又進之使人琢之果得美玉乃號為連城玉鳳凰見前注玉碎鳳叫皆以喻其聲十二門長安城門也二十三絲瑩篋之絃也紫皇言天子也女媧鍊石補天三注列陽問篇云昔者女媧氏鍊五色石以補天神山神嫗未詳老龍跳波瘦蛟舞亦喻瑩篋之音也吳質酉陽雜俎月中有桂高五百丈下有一人常斫之樹創隨合其人姓吳名質西河人學道有過謫其伐桂也

天上謠

天河夜轉漂回星銀浦流雲學水聲玉宮桂樹花未落
仙妾采香垂佩環秦妃卷簾北窓曉窓前植桐青鳳小
王子吹笙鵝管長呼龍耕烟種瑤草粉霞紅綬藕絲裙
青洲步拾蘭苕春東指羲和能走馬海塵新生石山下

天河物理論天者元氣之流行之精也氣發而天精華
上浮宛轉隨流名曰天河一曰雲漢衆星出焉夜轉言
隨天之運轉也銀浦亦天河也玉宮桂樹言月中仙桂
也秦妃未詳王子吹笙王子晉吹笙見前注羲和書咨
滿羲和蓋羲氏和氏二官名主歷數授時之官也又廣
雅曰名耀靈日御曰羲和氏羲和氏主日海塵神仙傳

麻姑曰見東海三變為桑田矣云云東海
行復揚塵乎石山下言蓬萊三神山也

春坊正字劍子歌

春坊史漢宮有九子坊太
子坊曰春坊正字官名

先輩匣中三尺水曾入吳潭斬龍子
隙月斜明刮露寒
練帶平鋪吹不起蛟胎皮老蒺藜刺
鵝鵝淬花白鵝尾
直是荆軻一片心莫教照見春坊字
梭絲團金懸麗鞞
神光欲截藍田玉是出西方白帝驚
嗷嗷鬼母秋郊哭
匣謂藏劍匣也郭元振古劍歌云琉璃
匣吐蓮花三尺漢高紀提三尺取天下
又杜詩三尺獻龍泉吳潭斬龍未詳又
吳潭斬龍子晉周處字隱吳人常於長
橋下斬蛟隙月練帶皆以喻劍蛟胎皮
老蒺藜刺皆未詳鵝

鷄爾雅水鳥似鳬而小匣中瑩刀白鷗鳥名說文羽族之鷄介者形類鷄白質黑章尾長四五尺休備闕距八純白鷗尾亦以喻劍之瑩潔者荆軻衛人燕太子丹使之亟匕首刺秦王切藍田玉列子周穆王得昆吾赤刀寶劍切玉如泥西方白帝劍金精也金屬西方金故云爾思母佛經昔老佛降鬼子母

李夫人

史漢武帝宮人也李延年之妹夫人本以娼進初夫人兄延知音善歌舞武帝

愛之每為新聲常侍上前舞曰北方有佳人絕世而獨立云云上嘆息曰蓋世豈有此人乎平陽主因言延年有女弟迺召見寶妙麗善舞由是得幸夫人少而早卒上憐矜圖畫其形於甘泉宮方士齊人少君言能致其神夜張燈設帷幄陳酒肉而令上於他帳遙望見好女如夫人之貌上愈相思悲感作詩令樂府諸音家絃歌之

紫皇宮殿重重開，夫人飛入瓊瑤臺。綠香繡帳何時歇。

青雲無光宮水咽，翩聯桂花墜秋月。孤鸞驚啼商絲發。

紅壁闌珊懸佩璫，歌臺小妓遙相望。玉蟾滴水鷄人唱。

露華蘭葉參差光。

紫皇以天帝居紫極，故言紫皇也。瑤臺王母玉蟾俱見前注。此云玉蟾滴

水，蓋以宮漏言也。又云玉蟾月也。天將曙則露下如月之時，升華故云露華蘭葉參差光也。

鴈門太守行

鴈門見前注。本傳云：賀初謁退之，授以文卷，首篇鴈門太守行，愈時

會旋方罷倦甚，門吏以卷呈解，帶旋讀方至首二句，遽東帶，邀入喜甚。

黑雲壓城城欲摧，甲光向日金鱗開。角聲滿天秋色裏，

塞上臘脂凝夜紫半卷紅旗臨易水霜重鼓聲寒不起

報君黃金臺上意提攜玉龍為君死

易水在今維縣水東逕容城縣故城

南又東逕易城南黃金臺見前注玉龍劍名

貴主征行樂

奚騎黃銅連鎖甲羅旗香幹金畫葉中軍留醉河陽城
驕嘶紫燕踏花行春雲騎將如紅玉走馬捎鞭上空綠

女垣素月角咄咄牙帳未開分錦衣

奚通作媛女隸也禮奚八人古者從

坐男女沒入縣官為奴其小才知以為奚今之侍史官婢也奚騎則奚奴之車馬也鎖甲以黃銅為鎖甲也中

軍中軍帳也河陽
見前注紫燕馬名

神絃別曲

巫山小女隔雲別春風松花山上發綠葢獨穿芳徑歸
白馬花竿前子子蜀江風淡水如羅墮蘭誰泛相經過

南山桂樹為君死雲衫淺汙紅脂花

巫山神女
見前注

江南弄

江中綠霧起涼波天上疊嶽紅嵯峨水風浦雲生老竹
渚暝蒲帆如一幅鱸魚千頭酒百斛酒中倒卧卧南山綠

吳歛越吟未終曲江上團團帖寒玉

吳歛說文歌也渝水之人善歌舞漢

高帝伐秦巴人從軍歌舞陷陣高祖來其聲後人因加此字一曰六歌一曰歛

少年樂

芳草落花如錦地二十長遊醉鄉裏紅纓不重白馬驕

垂柳金絲香拂水吳娥未笑花不開綠髻聳墮蘭雲起

陸郎倚醉牽羅袂奪得寶釵金翡翠

醉鄉王績事見前注陸郎未詳又陸

衆先娶賀梅女相者曰陸郎位極人臣

夢天

老兔寒蟾泣天色雲樓半開壁斜白玉輪軋露濕團光
鸞珮相逢桂香陌黃塵清水三山下更變千年如走馬

遙望齊州九點烟一泓海水杯中瀉

兔蟾月也黃塵見前注璧玉輪皆以

喻月齊州謂天下九州之大正如九點烟四海之廣如一泓之水瀉傾也

胡蝶舞

題意未詳

楊花撲帳春雲熱龜甲屏風醉眼纈東家胡蝶西家飛

白騎少年今日歸

批云好質而不俚麗而不浮以司體以合曲不厭其碎胡蝶語最妙也龜

甲謂玳瑁也玳瑁生南海大者如蓮蓀身似龜首尾如鸚鵡里有文章可作器醉眼纈東坡詩亦云却比初閨

生眼顯說文顯絲顯
也又曾韻曰文繒也

昌谷北園新笋

斫取青光寫楚辭
膩香春粉黑離離
無情有恨何人見

露壓烟啼千萬枝

青光古人無紙惟取竹作策而書之故云

盧仝

號玉川子唐詩人如月蝕詩茶歌皆世所稱道又仝居東都愈為河南令愛其詩厚禮之

嘗為月蝕詩以譏切元和逆黨愈稱其工又詩評云盧仝月蝕詩韓愈進學解莫不拔地倚天向今欲活讀之如赤手捕長蛇不施控勒騎生馬急不得下莫可捉搦朱子云詩頗是平淡不費句法混成如唐人玉川子輩句語雖險恠意思亦自有混成氣象

新月

仙宮雲箔卷露出玉簾鉤清光無所贈相憶鳳凰樓

雲箔

今簾箔也

有所思

當時我醉美人家美人顏色嬌如花今日美人棄我去
青樓朱箔天之涯娟娟嫦娥月三五二八盈又缺翠眉
蟬鬢生別離一望不見心斷絕心斷絕幾千里夢中醉
卧巫山雲覺來淚滴湘江水湘江兩岸花木深美人不

見愁人心含愁更奏綠綺琴調高絃絕無知音美人兮
美人不知為暮雨兮為朝雲相思一夜梅花發忽到窓

前疑是君

美人以擬君上也美人家朝廷也姮娥青樓
朱箔翠眉巫山雲湘江水綠綺琴暮雨朝雲

蟬鬢俱
見前注

樓上女兒曲

誰家女兒樓上頭指揮婢子掛簾鉤林花撩亂心之愁
卷却羅袖彈箜篌箜篌歷亂五六絃羅袖掩面啼向天
相思向天情不斷落花紛紛心欲穿心欲穿憑闌干相

憶柳條綠相思錦帳寒直綠感君恩愛一回顧使我雙
淚長珊珊我有嬌靨待君笑我有嬌娥待君掃鶯花爛
漫君不來及至君來花已老心腸寸斷誰得知玉階
歷生青草

思君吟

我思君兮河之孺我為河中之泉君為河中之青天天
青青泉泠泠泉含青天隔泉我思君兮心亦然此心
復在天之側我心為風兮浙浙君身為雲兮冪冪此風

引此雲兮雲不來風兮雲兮何悠哉與我身心雙徘徊
瑞說文江河之邊也按此及以上三章詩意皆君思致身不遇之詞也

寄蕭三十三赴歙州昏期僕客揚州早春書寄

一絕

歙州今歙縣屬徽州府

淮上客情殊冷落蠻方春早客何如相思莫道無來使

回鴈岑前好寄書

回鴈岑在今衡州府城南

逢鄭三遊山

相逢之處花茸茸峭壁攢峰千萬重他日期君何處好

寒流石上一株松

孟東野

名郊湖州武康人年五十得進士第性介少諧仕至溧陽尉郊為詩有理致最為愈

所稱然思苦奇溢李觀亦論其詩曰高處在古無上平處下顧二謝云又東野喫了飽飯思量

到人不到處聯句中被他牽得亦着如此做又劇目鉢心物迎縷解鉤章棘句摘擢胃腎言得

句之難也又唐人工於詩而陋於間道郊詩有云食薺腸亦苦強歌聲無歡出門即有碍誰謂

天地寬郊耿介之士雖天地之大無以容其身起居飲食有戚戚之憂是以卒窮至死又孟郊

之詩憔悴枯槁其氣局促不伸退之之詩如此何耶詩道本正大郊自為艱阻耳又韓能古文

孟郊長於五言詩時號為孟韓唐之晚年詩人類多窮士如孟賈之徒皆以刻琢窮苦之言為

上或謂郊島孰貧曰島為甚也曰何以知之以其詩知之郊曰種稻耕白水負薪斫青山賈曰市中有樵山客舍寒無烟耕底有甘泉釜中常苦乾孟氏薪米自足而賈家俱無以是知之耳然及其至也清絕高遠殆非常人可到唐之詩稱此兩人為最至於奇警之句往往有之如鷄聲茅店月人跡板橋霜則羈窮愁想之在目柳塘春水漫花塢夕陽遲則春物融怡人心和暢有言不能盡之意亦未可以為小道無取也張文潛集

與韓愈李翱張籍別

李翱韓公門人

朱絃奏離別華燈少光輝物色豈有異人心顧將違客情殊未已歲華忽然微秋桐故葉下寒露新鴈飛遠遊

起重恨送人念先歸夜集類羈鳥晨光失相依馬跡遶
川水鴈書還閨闌常恐親朋阻獨行知慮非

古薄命

不惜十指絃為君千萬彈常恐新聲至坐使故聲殘棄
置今日悲即是昨日懽將新變故易持故為新難青山
有靡蕪淚葉長不乾空令後代人來掇幽思攢

古樂府襟怨

貧女鏡不明寒花日少容暗蛩有虛織短線無長縫浪

水不可照狂夫不可從浪水多散影狂夫多異蹤持此
一生薄空成萬恨濃

怨別

一別一回走志士白髮早在富易為容居貧難自好沉
憂損性靈服藥亦枯槁秋風遊子衣落日行遠道君問
去何之賤身難自保

遊終南

南山塞天地日月石上生高峯夜留景深谷晝未明山

中人自正路險心亦平長風驅松柏聲拂萬壑清到此
悔讀書朝朝近浮名

送淡公

銅斗飲紅酒醉拍銅斗歌儂是柏浪兒飲則拜浪婆脚
踏小船頭獨舞短蓑笑伊漁陽操空持文章多閒倚

青竹竿白日奈我何

銅斗東坡注史趙襄子使厨人操
銅斗擊殺代王未詳漁陽操琴曲

名

短蓑不怕雨白鷺相爭飛短檝畫菰蒲鬪作豪橫歸笑

伊水健兒浪戰無光輝不如竹枝分射鴨無是非

東坡注云

潞陽有射鴨堂
孟郊為尉時造

遊子吟

遊子將有行役母為縫衣
慈者仁愛也故謂之慈母

慈母手中線遊子身上衣臨行密密縫意恐遲遲歸難

將寸草心報得三春暉

和氣也所以發育
草木故此慈母

塘下行

塘邊日欲斜年少早還家徒將白羽扇調妾木蘭花不

是城頭樹那棲來去鴉

征婦怨

君淚濡羅巾
妾淚滴露塵
羅巾去在手
今得隨妾身
路塵如得風
得上君車輪

漁陽千里道
近如中門限
中門有時踰
漁陽長在眼
生在綠羅下
不識漁陽道
良人自成來
夜夜夢中到

古別

欲別牽郎衣
問郎遊何處
不恨歸日遲
莫向臨邛去

臨邛

卓文君事

古怨

試妾與君淚兩處滴池水看取芙蓉花今年為誰死

樂府戲贈陸大夫十二丈

蓮葉未開時苦心終日卷春水徒蕩漾荷花未開展

閨怨

妾恨比斑竹下蟠煩冤根有筍未出土中已含淚痕

斑竹

湘妃事
見前行

出門行

長河悠悠去無極百齡同此可嘆息秋風白露沾人衣
壯心凋落奪顏色少年出門將訴誰川無梁兮路無岐
一聞陌上苦寒奏使我佇立驚且悲君今得意厭梁肉
豈復念我貧賤時

海風瀟瀟天雨霜窮愁獨坐夜何長驅車忽憶太行險始
知遊子悲故鄉美人相思隔天濶長望雲端不可越手
持琅玕欲有贈愛而不見心斷絕南山峩峩白石爛碧
海之中波浩漫參辰出沒不相待我欲橫天無羽翰

太

險琅玕見前注南山白石甯戚扣牛角而歌曰
南山嶠白石爛長夜漫漫何時旦參辰見前注
闕

[illegible]

劉阮山

劉晨阮肇剡溪人漢永平中入天台山採藥見溪口桃花流出遂尋源而入遇

二女與為壻忽思歸二女
送之出洞重尋無路矣

芙蓉脂肉綠雲鬟
畫樓臺青黛山
千樹桃花萬年藥
不知何事憶人間

聞樂天左降江州

殘銓無燄影幢幢
此夕聞君謫九江
垂死病中驚起坐
暗風吹雨入寒窓

白自云使他人誦尚
不堪况僕自誦之乎

重贈商玲瓏魚寄樂天

休遣玲瓏唱我辭
我辭多是寄君詩
明朝又向江頭別

月落潮平是去時

陸說云尚玲瓏杭州歌若樂天作郡曰作歌與之元微之在越厚幣邀至

月餘使盡唱歌所唱之曲作詩送行之詩魚寄樂天

憶事

夜深閑到戟門邊柳繞行廊又獨眠
明月滿庭池水綠

桐花垂在翠簾前

戟門見前注

白樂天

名居易其先太原人徙居下邳弱冠以詩謁顧況讀至野草詩曰野火燒不盡東風

吹又生況曰吾謂斯文遂絕今復得子矣至元中擢進士拔萃仕至禮部尚書又居易文章精切然最工詩初頗以規諷得失及其多下偶俗好至數千篇初與元稹酬詠故曰元白與劉禹

錫齊名又號劉白又居易在元和長慶與元稹俱有名最長於詩他文未能稱是唐以來所未有也又平園周氏曰香山詩語平易文體清駛闕若信手而成者問觀遺藁則竄定甚多

新辭

霽色鮮金殿秋聲脆管絃聖明千載樂歲歲似今年

池上

小娃撐小艇偷采白蓮回不解藏踪跡浮萍一道開

尋郭道士不遇

郡中乞假來相訪洞裏朝元去不逢看院祇留雙白鶴

入門惟見一青松藥爐有火丹應伏雲碓無人水自舂

欲問叅同契中事未知何日得相從

朝元道經云三花聚頂五氣朝元

朝元藥爐有火見前注叅同契漢魏伯陽作叅同契

後宮辭

淚盡羅巾夢不成夜深前殿按歌聲紅顏未老恩先斷

斜倚熏籠坐到明

熏籠以竹為之所焚香熏衣者也

闕

期不至

紅燭青樽久延佇
出門入門天欲曙
星稀月落君不來
烟柳籠籠鵲飛去

竹枝詞

題意
見前

瞿塘峽口冷烟低
白帝城頭月向西
唱到竹枝聲咽處
寒猿晴鳥一時啼

巴東船舫上巴西
波面風生雨脚齊
水蓼冷花紅簇簇

江籬濕葉碧萋萋

巴東今重慶府
巴西今順慶府

唐音卷十二